

MIGHTY TALENT "REY DI ROADMARCH" PA DI 8 BIAHA



ORANJESTAD(AAN): Binti pa ocho ayera mainta Aruba a conoce su "Rey di Roadmarch 1996" y un biaha mas tabata den persona di Claudius Phillips, "Mighty Talent" cu atrobe a logra un "double shot" di titulo conquistando tur dos titulo cu tabata tin pa e anochi aki. Sigur di su mes di-

lanti un publico cu a keda spera su presentacion y cu un performance excelente, Mighty Talent a sa di conquista e corona atrobe.

Un cuarto pa 7 mainta OREO a cuminsa prepara riba escenario como ultimo grupo musical, y pa 7 or a resona e calypso di Mighty talent "Problems" cu a bin

resulta e calypso ganador.

Diez pasa di 7 a resona "Jouvert Morning Sandwich" cu 30 minuut despues a ser anuncia como roadmarch ganador cu 1895 punto.

E rival grandi pa titulo tabata "Mighty Hippie" cu 1785 punto pa su roadmarch "Buk", mientras cu Ramphies Tromp cu EQO a termina cu 1740 punto como di dos finalista cu e cancion "Sway".

"Tattoo" cu QUA-SI a termina como di 3 finalista cu 1735 punto pa su roadmarch "Stand up and cheer".

Tattoo tambe a keda masha satisfecho di tabata entre e finalistanan ya cu den un conversacion anterior cu DIARIO el a duna di conoce cu e competencia ta fuerte y e no ta mira su mes como un ganador di e prome dos lugaran, y ta spera di lo por cay siquiera como un finalista. local el a logra tambe.

E sorpresa pa hopi hende

tabata cu "Singing Olivia" a termina como di 4 finalista logrando asina su di dos premiacion di anochi ya cu e tabata prome finalista den calypso tambe. "Singing Olivia" sigur tabata fuerte cu su roadmarch "Jump, scream and punt your hands in the air" acompaña pa Dushi Band.

Si tira un bista riba e 30 roadmarchnan di e anochi por bisa cu Mighty J.R (Cecilio Lopez) a duna presentacion grandi cu su "Burning Up" y ta e prome cu a cuminsa move publico e anochi aki. Emperador Ceasar tambe tabata hopi bon cu su roadmarch "T-shirt wave" y a un pa tene cuenta cune den futuro.

"Mighty Genie" a sorprende tur hende y tambe a resulta di ta un di e futuro idolanan.

Agrupacion TAXX tabata e agrupacion cu a pone publico bira loco for di 5.15 or di madrugada pa 10 pa 6

mainta. E warmupnan cu integrantenan di Basic One tabata tin publico moviendo curpa den tur direccion.

Scorpion cu su roadmarch "Box down satun" tin posibilidad grandi di pega den parada y mescos ta bay pa "Boompsie" di "Black Diamond", e indiano wild di "The Barron" e composicion "Wild indian" y e "Rabbit" di "Challenger".


Pero mes bon cu e cancionnan aki ta pa pega den parada como e "Road Jam", no por keda sin menciona e "Rey di Soca" di Aruba, "Rusty" cu su "Play the Soca".

Rusty masha tranquilo, sin buya, usando su voz cu e "pitch" exacto y excelente pa soca, a move hopi hende y tabata tin hopi tambe cu a lamenta cu e no a cay den premiacion. Rusty sigur tin un posible Road Jam den su man aki y e batalla lo ta entre Taxx y Eclipse e aña aki.

SPECIAL DI AÑA

E irresistible Filet-O-Fish mas nos famoso
French Fries y un Coca Cola bon frieuw

Tur esaki pa solamente **Afl. 5,25**
NA Mc DONALD'S



Have you had
your break today?

FOR SALE



VOLKSWAGEN
CABRIOLET

Year 1990, excellent condition.

Price: Afl. 24.500,- o.b.o.
Tel: 21842 (business hours), 43596 (home)

ARUBA HEALTHCARE CENTER

NOS TA ACCEPTA INCRIPCION DIABIERNE Y
DIALUNA AWOR PA LUNA DI FEBRUARI PA
NOS SESSIONAN DI AEROBICS Y CIRCUIT
TRAINING HABRI TUR DIA DI 6:00 - 7:30 P.M.
NO NEGLISHA BO CONDICION FISICA
TEL: 20122 - 32647
TAMBE TIN SAUNA MODERNO